



UNIVERSITY OF JOHANNESBURG
FACULTY OF EDUCATION
NOVEMBER EXAMINATION 2014

PROGRAMME: B Ed and PGCE
MODULE: SUBJECT METHODOLOGY: SEPEDI – POLELO KA GAE
CODE: XBA0000 / XBA0001
TIME: 3 hours
MARKS: 100
EXAMINER: Mr M Kgopa
MODERATOR: Mr MS Mokoko (TUT)

(Letlakala le la dipotšišo le na le matlakala a **MANE**)

DITAELO:

1. Araba dipotšišo ka moka
2. Dipotšišo di swanetše go arabja fela ka Sesotho sa Leboa

POTŠIŠO 1

1.1 Hlaloša ka boripana seo Karl Marx a se ukamago mabapi le thuto go ya ka dihlogwana tse di latelago:

1.1.1 Teori/kgopolo ya go ithuta

1.1.2 Teori/kgopolo ya Setšhaba

1.1.3 Teori/kgopolo ya Tumelelano (10)

1.2 Badišiša sengwalwa seo se lego Thlomesetšong ya A gomme o hlame dipotšišo tše pedi tše pedi tšeo di amanago le lengwe le lengwe la magato a latelago a Bloom a leano la go botšiša dipotšišo:

1.2.1 Tsebo

1.2.2 Tlhaologanyo

1.2.3 Tirišo

1.2.4 Tshekatsheko

1.2.5 Tekanyetšo (15)

(25)

POTŠIŠO 2

- 2.1 Ngwala dintlha tše **TLHANO** tšeo di amanago le maikemišetšothwii a go ithuta maleme bjalo ka ge di tšweleditšwe ka Setatamenteng sa Pholisi sa Lenaneothuto le Kelo. (5)
- 2.2 Tšweletša o be o hlaloše bohlokwa bja Mabokgoni a Polelo ao lenaneothuto la go ithuta maleme le swanetšego go a obamela dikreiting tša 10 - 12. (10)
- 2.3 Ka boripana hlaloša kamano yeo e lego gona magareng ga **serutwa, morutiši** le **moithuti** thutong ye e theilwego godimo ga dipoelo/ditetelo. (10)
- (25)

POTŠIŠO 3

- 3.1 Naa ke mabaka afe ao a ka amago baithuti lebakeng la go ithuta Sepedi leleme la gae? (4)
- 3.2 Naa taolo ya phapoši ya borutelo ke eng? (3)
- 3.3 Hlaloša ka boripana ka moo dikgopolo tše di latelago tša motheo wa taolo ya phapoši ya borutelo di ka tšweletšago katlego ya taolo ka phapošing ya borutelo:
- 3.1.1 Peakanyo (Planning)
- 3.1.1 Thulaganyo (Organization) (10)
- 3.4 Ka mehlala ye e kgodišago, tšweletša tlhaloso ya mareo a latelago mabapi le kelo:
- 3.4.1 Kelo ye e sego ya semmušo
- 3.4.2 Kelo ya semmušo (8)
- (25)

POTŠIŠO 4

Badišiša sengwalwa seo se lego **TLHOMESETŠONG ya B** gomme o se šomiše bjalo ka setšweletšwa seo o ka se dirišago go ruta Polelo ya Gae kreiting ya 10. Tšweletša dintlha tše bohlokwa tšeo o tlogo di hlalagisa thutong ya gago bjalo ka mabokgoni a polelo: dipoelo tša thuto: tanyo ya šedi: ditiro tša morutiši: ditiro tša moithuti: Mekgwa ya go ruta, methopothušo: dipotšišo tše bohlokwa gammogo le mekgwa ya kelo. (25)

TLHOMESETŠONG YA A

Bojakane GaMankweng

Batho ba go tšwela le bojakane mo gagabo rena ke baruti ba kereke ya Lutere, ba go tšwa Jeremane. Ge ba fihla mo ba ile ba kgopela Mankweng go ka aga lapa la kereke. Aowa, kgoši a napa a ba ngwathela setsekana sa naga kua Mphome. Batho ba bantši ba ile ba kgeregela bojakaneng gomme le bona ba thoma go gaša lentšu la Modimo. Kgoši o ile a thoma go se sa kwešiša banna ba Majeremane ka ge ba be ba fela ba kgobokanya setšhaba ka ntle le tumelelo ya gagwe. Mošate o ile wa thoma go otlala baetapele ba Majakane ba mo gaMamabolo ka ge ba be ba botša

batho go re ba se sa iša bana ba bona dikomeng. Ba bangwe ba be ba nwešwa dihlare ka ge go be go thwe ba a gafa. Ka ge bojakane bo be bo tswakane le tšwelopele ya go swana le thuto, Mankweng o ile a feleletša a dumeletše kgašo ya lentšu la Modimo mo nageng ye. Ke go napa go phatlalala ga Ebangedi. Ka morago ga go hlongwa ga setase sa mathomo kua Mphome, moruti Mphamba yoo e bego e le lethosa la go tšwa Kapa a napa a hloma kereke ya Presbyterian mo Donhill.

Kgopa, M. 1998. Northern Sotho Legends and Historical Narratives: Similarities and Differences. (Letlakalala la 66 - 67).

TLHOMESETŠONG YA B

GO HLOKA SEETŠA

Go bohloko go hloka seetša
 Botse bja naga ga ke bo bone,
 Matšoba ke kwa ka monkgo fela,
 Ka kwa ka dinose go bobola.
 Difahlego tše boleta ga ke di bone,
 ke kwa ka menkgo le lesego,
 Ka kwa ka seeta go lla,
 Ka kwa ka diaparo go gwaša
 Gore di a feta ditlogolwana tša Efa.
 BoNaletšana le bo Mokgadi ke ba bona ka ditsebe,
 Ge e le ka mahlo a nama aowa.
 Bommamarokgwana-a-go-fiša ga ke batsebe,
 Ke no kwa ba akangwa moyeng le matlakaleng.
 Bommamarokgo-dinkahlaahla bona ga ke sa bolela.

Diyamaleng ke kwa ka monkgo go bela,
 Ka kwa ka dipitša go thulantšhwa.
 Go ja ke no lahlela
 Ga ke bone gore eng ke eng,
 Ke no kwa ka go tsefa ganong.
 Difofane ke kwa ka modumo,
 Ka kwa ka digotlane go ngangišana.
 Go bohloko go hloka seetša.
 Gobane ke phalwa ke ngwana,
 Ke hlahlwa ka mehla,
 Ke kwa go thwe: "Malema, šuthela kua,
 Malema, tšhaba o tla butšwa,
 Malema, ga e sa na.
 Malema, ditlogolwana tša gago ke tše.
 Malema, o a bona le hlabile lehono?"

Lentsoane,H.M.L. 1975. Mokgako. (Letlakalala la 10).

TOTAL: 100

----oOo----